

續修四庫全書



《續修四庫全書》編纂委員會編

續修四庫全書

上海古籍出版社

一二七一・子部・小說家類

埋憂集十卷續集二卷〔清〕朱翊清撰

壺天錄三卷〔清〕百一居士撰

增修埤雅廣要四十二卷〔宋〕陸佃撰〔明〕牛衷增輯

蓬窗類紀五卷〔明〕黃暉撰

青泥蓮花記十三卷〔明〕梅鼎祚撰

一五三

二四三

五九三

六二一

24/3/01

埋憂集

〔清〕朱翊清撰

據遼寧省圖書館藏清同治十三年刻本影印原書版框高一三〇毫米寬一九四毫米

新鐫

炎怪埋憂集

續集附後

序

帝女化禽銜石從何填海騷人被髮呵壁因而問天窮
愁有志孤憤成書續虞初小說纂段式酉陽披胸敗鏡
鑑古兼以鑑今記事拈珠徵人加之徵鬼竄名儒子
粵一編影弔青蠅招冤魄于梧邱萬卷恨瘞黃土此
師梅叔夫子埋憂集之所爲作也夫子少時學通四庫
才備九能子胥佩七星雄劍安世記三僊亡書自謂健
弩方張強臺直上說經奪席冠石渠天祿之英歸院撤
蓮獻羽獵長楊之作而乃雲英嫁晚蛾黛銷春伯樂來
遲繫蹄繫柳秋風瑤環年年淚濕青衫鄧雪高寒處
埋憂集

序

人嘆白眼比靈腹聚徒身嶺嶺太似泉明乞食腹負將
軍破曉疾驅不作黃車使者斷檠枯硯竟爲白臘明經
平一苔三桓七穆博軼總龜朝霞賦五角六張命終磨
蝎其能無四愁嘖嘖五噫悲涼登高歡豎子成名搔首
指儒冠誤我乎而況疎蘭葉養空補束皙之詩風樹罷
聲哀掩泉魚之泣莊盆雨鼓夢短牛衣孔叢無徵膝寒
鯽對既爲張儉亡家復作陸機歎遊殘羹冷炙嗟來一
飯朱門華屋山邱嗚咽數聲鄰遽惠施逝而漆吏誰與
言曼卿死而祕演無所適裂伯牙素琴髡姁娃珍髮滄
海橫流人間何世於是寓言賁志以妄塞悲繪鬼域之

人情窮地獄之變相見見聞聞奇奇怪怪莫不抽枕秘于鴻寶備史錄於輶軒鼎圖似后罔兩呈形石煉媧皇圖靈補缺所至難解者保蠱以詐相咀嚙浪騰爭駭於冠裳雲部輟奏于戚偏舞刑天鉛刀爲鋸將邪長埋豐獄此則裁碧解之桑蓬水有時而涸倚元穹之杵心波日而平者已矣也碎然小人夫子器之國士登樛櫟於匡門授呂苓於藥籠浴雨陶風曲裁狂簡抽衣解髻詩證提絳帷昔侍廣桑會有前緣華髮今稀元閣猶好事既見寵於軒鶴敢自等於寒蟬而城懸布斷瀾落黃河一鷄竿雲以思舉六鷁拾地而退飛消間裏之

埋憂集

序

二

受業秀水沈 嚴敬識

序

今年春炳自京師歸即趨謁吾師梅叔先生於珠樹寓舍時先生暨諸同好將謀梓其所著埋憂集小書燭燭得其定本讀之未終卷輒廢書而歎曰炳自成童侍先生學爲制舉業竊窺先生落落負奇節方以高才絕學跋扈詞場今來吾謁先生鬚髮皓然矣乃不得與于承明制作而使之老於明經長貧善病而又無子其遺可謂窮矣顧使先生之窮不至此亦必不能成是書蓋偶然游戲然非得志於時酣豢富貴者所能言也夫先生良史才也今乃以其飽管世味遍歷窮愁之所書埋憂集

序

一

出爲是書其刻鏤則再舉衆物也其刺譏則韓非孤憤也其哀感頑艷則如美女之簪夢而笑山鬼之被荔以思有時爲士龍之笑笑亦哭也有時爲步兵之哭哭亦笑也則又想見其血縷青微搖曳江楓未已也臨北詩云詩有一卷傳抵得公卿貴是亦足以傳矣或謂先生老矣著錄非一種何必先以是自見炳曰然夫小說九百本自虞初古者掌之國史志之藝文莊生不云乎寓言十九重言十七盛世所以不廢者以是爲善道之所導而懲勸之所垂也是在善讀者之能領取矣若夫朝食者不知飢則不能讀年少者不知愁則不欲讀九原

應有愛才人願與解爲此語者共之

同治十三年歲次甲戌孟秋月受業桐鄉周士炳謹識

埋憂集

序

二

自序

余自辛卯迄癸巳二老親相繼見背始絕意進取烏已
倦飛驥甘終伏生平知交大半零落而又畏見一切得
意之人俯仰四壁惟日與幼女形影相依蓋生人之趣
盡矣乃喟然歎曰窮矣然身可窮心不可窮也余誠素
材不足與海內諸豪俊比數矣夫蟬蚓不知雨雪蟬蛻
不知春秋猶能以其竅自鳴豈權衡之餘遂并蛸蚓之
不若乎于是或酒邊簪下盡語優閒或冷雨幽窗故人
不至意有所得輒書數行以銷其塊壘而寫肺腑之
當其思經斷絕異境忽開杳然如孤鳳之翔於千仞
埋憂集 序 一
視塵世又何知有蠅頭鵠角事哉于是輒又自尋一白
曰惜乎具有此筆乃不得僦身史館與馬班爲敘錄也
是亦足聊以自娛矣今茲春歸里門篋中猶有此本請
同人見之咸謂可以問世謀釀金付梓願求此間竹屋
蔣君又力任剞劂事蒙諸君雅意使得免什邡嚴世之
感余亦何能復拒乎獨是余老矣追憶五十年以來以有
用之居諸俱無聊之歌哭寄託如此其身世亦可想矣
因書數語以誌吾恨焉同治十三年歲次甲戌孟秋月
八日歸安朱翊清梅叔氏自題於潯溪寓舍

埋憂集目錄

卷第一

穿雲琴

熊太太

嘉興生

潘生傳

周奎

義大塚

戚自貽

可師

扛米

無錫老人

尸摘盜

鍾進士

蛇殘

賭飯

卷第二

埋憂集目錄

雪姑

吳烈友

程光奎

諸天驥

雷礪

蟋蟀

活佛

通字

海鯢

大人

捕鬼

郭某

張癡

綺琴

卷第三

昭慶僧

雙收親

周爛面

狗羹飯

邵士梅

沈下年

陳三姑娘

大人

雲雨

春江公子

霧淞

疫異

水災

穀異仙人

白雀

毒王

薛見揚

考辨

卷第四

人形獸

異蛇

稱揪蛇

名醫

埋憂集目錄

手技

田鵲書

鐵兒

金期蝶

柿園敗

慧娘

賈奎

支氏

隋胎

捉奸

卷第五

鎖陰

火藥局

詔麟

送詩韻

龜鑑

陰狀

簪包船

金鏡

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百

藥渣

秦檜爲猪

鬼舟

卷第六

二僕傳

金三先生

賣詩

秋燕詩

施氏

鬼燈

埋憂集目錄

射兔

茅山道士

奇獄

錢大人

官偉鏐

車夫

卷第七

賈義七

趙孫詒

星卜

餠餅阿六

賈似道

段珠

讀律

詩識

樊遲廟

空空兒

祭鍾馗文

主

馬宏謨

葉太史詩識

調判

夫婦重逢

海大魚

奇兒

盛三公子

嚴侍郎

常開平遺槍

人面豆

陳學士

男妾

武松墓

卷第八

宅異

遺米化珠

捐官

金氏

夜

埋憂集目錄

眞生

樹中人

卷第九

烏柏樹

詔效

香樹尙書

周爛鼻

齋餐

樊惱

茅山道人

奎光

徐孝子

上智潭龜

死經三次

櫃中熊

夢廬先生遺事

辨誣

荷花公主

奇疾

明

明季遺事

陳忠賢先生遺事

獅子

醉和肉

全荃

潘爛頭

草庵和尚

許眞君

僧貌

梁山川	詩潮
陶公軼事	改名
負債鬼	蛇異
卷第十	
鬼隸宣淫	狐母
七額駙	瞿式耜
孫延齡	猛鬼
乍浦之變	虎尾自縊
夷船	寶間手
挖眼	狐妖
埋憂集目錄	五
織里婚事	臭金
佛時貞觀	剪舌
續集卷第一	
劉縉	黃石齋
對縉	生祭
能襲懸軼事	地震
王秋泉	蚺蛇
采龍眼	大言
陸世科	猩猩
燕妬	戒貪

師戒	牡丹
柳畫	湖市
冰山錄	泰山
夷俗	雙林凌氏
楊園先生	水月庵
腹語	劉子壯
熊伯龍	庫中畫
亂書	玉人
天主教	大曠
項王走馬埒	
續集目錄	六
續集卷第二	
無支祈	人面瘡
陳句山	瘞癰
償債人	剝皮
仙方	耿通
陸忠毅公傳贊	異歌
殿試卷	推背圖
李自成	徐珠淵
毛文龍傳辨	

埋憂集 卷一

成上紅雪山莊外史著

震澤

穿雲琴

康熙間勾曲道士忘筌本武昌名家子。筌性豪逸耽書嗜飲善畫墨竹尤精於琴遇良材必重價購之至于典質不倦後聞新安吳商名畏龍蓄琴頗富畏龍往訪商見其攜有古琴問鍊士亦善此乎對曰固生平所好也但恨未遇名材耳卽指手中所攜者曰此宋賈相悅生堂中物向以五百金購得之然亦非上品聞先生多蓄古琴故不憚遠涉未識可賜一

埋憂集

卷一

十

觀否商與論琴理筌爲細述勾撥挑剔之法語多神解商一時未能盡領請傳之妙手筌解囊爲彈水仙操一闕商危坐竦聽如有山林杳冥海濤汨沒起于座中輒爲歎絕筌停琴言曰此調自伯牙傳至嵇康名廣陵散所謂觀濤廣陵者也康死此調已絕某特以意譜之耳商乃出其素所珍藏者十餘琴皆不足觀最後一琴以金貓睛爲徽龍肝石爲軫背刻二字曰穿雲質理實聚古色黝然曠代物也筌愛玩不忍釋請以所攜琴易之不許增以五百金亦不許呼僕取入筌乃起悵然而出謀諸闖者聞者謝曰主人亦徒慕風雅耳本無真賞今

見師賞鑒若此豈復能動以利乎筌乃出質居一僧寺誓不得琴不返然卒無可爲計惟日飲無何一夕對月獨酌念資用將竭而寶琴終不可得淒然泣下忽聞牆陰屏響有聲一女子丰姿綽約含笑而至曰如此良夜請爲清歌侑酒以破岑寂可乎筌訝問美人何來女曰勿勞窮詰當非禍君者遂于懷中取黃牙拍板鳴琴心一折音韻淒婉顧盼生姿筌連醵數觥竟醉倒于床上及醒窗中斜月瑩然矣女猶坐於燈前遽起促之歸寢女曰妾亦非私奔者自蒙青盼覺人間尙有中郎總知君情深如許故背主而來將以此身相託卽君心中事

埋憂集

卷一

十

或者猶可借箸不意見拒之深也言已以袖搥淚筌見其羅袂單寒轉更韻絕乃擁之入懷爲訴流連之故女曰此易事耳筌聞之喜極曰然則今夕願爲情死遂擁入共相繾綣旣而烏語參橫女急起曰吾二人豈可復留此耶筌辭以商琴未得女笑語曰弟行勿憂也卽往牆角取一小篋出水田衣裙各一並冠履易作道裝相與促裝啟後扉而行中途入一村店沽飲先有一道者在座筌揖與談理致元遠遂邀共飲女避去道人密語曰君相隨少尼非人也今夜共枕時某于門外作法君當緊抱勿釋如其言果得一琴卽商所寶藏者也大喜

持示道人道人曰此楊貴妃遺琴也傳至南宋理宗曾以殉葬後爲楊璉真伽掘得非君不足當此物亦見古今神物必不終淪于俗子手中然君亦不可復至勞山矣空乍聞恍若夢醒遂起再拜攜琴入終南山不返外史氏曰以吳商蓄琴之富而僅得一穿雲琴亦見神物之未可多得矣惜其不知所寶而慢藏以失之名曰畏龍稱其實矣彼勞山道士者欲得良材而以金盡欲泣設其終不得琴其將不復返乎癡哉道士之好琴也然非道士之癡又烏能通乎鬼神若是彼世之通悅自喜而卒於一藝無成皆其自謂不癡者也于是乎道士之癡乃不可及

埋憂集

卷一

三

熊太太

宣宗時神木秦鍾岳之父以從軍過五龍山偶出獵迷路但見五峯突起四面壁立如削深林密箐虎嘯狐啼其陰巖積雪未融照見岩壑有洞洞口光滑如鏡知有物出入益惶急攀藤覓路未得忽聞腥風過處一熊突至攫秦反走入洞洞廣可畝許旁漏日光其中半藉有毛積厚寸餘熊挾秦置其處復去舉穴旁大石塞洞而去秦謂熊幸得異味必將引其類至共試瓜牙正傍徨間熊忽以手揭石而入左手攜一鹿擲秦前撫秦爲嬉

埋憂集

卷一

四

笑狀遂取鹿肉自啖并啖秦秦察其意不惡卽出所攜火具取火拾洞外落葉炙以爲食熊棄其餘肉就秦食甫嘗一嚙輒點首喜躍不已入夜卽擁秦臥數月竟產一男自腰以下穉毛如蝟秦初未有子意亦良得熊朝夕哺乳如慈母其後漸解人語馴狎已久洞門常開秦思遁歸顧兒未能捨去閱四載兒壯偉似八九歲者行步如飛後植熊出秦攜兒竟出狂奔數十里見獵者數人從之取道而還初秦出獵不返皆以爲飽于獸腹矣及是歸衆詢得其故見兒雄偉有熊虎之狀益驚喜如獲異寶焉顧兒常思熊母屢欲往尋禁之輒號哭不食其後兒益壯喜馳射力挽千鈞神勇無敵一日挾弓矢上馬馳去至暮不歸尋訪無踪意其往從熊母然無敢往追者秦以兒尚幼謂其必死痛哭而已無何兒竟歸熊歸自言初出門時向人問五龍所在如其言策馬而前亦不至迷失惟道中不可得食則射鳥獸食之最饒至榆林東南遇一樵者自言知母所在引至洞口倏不見兒入洞熊母倏自外來將攫食兒爲兒所持哭訴願末且解下體穉毛爲驗乃止兒遂請母出山不從兒哀祈數日母始首肯然非兒負以歸母亦不敢來也言未畢熊直撲向秦秦跪謝兒亦伏哭祈免熊始怒目而止

秦起喚其妻出與相見熊輒叉手答拜時鍾岳年財十二也天順二年亭來犯神木鍾岳聚鄉勇禦之於定邊營所向無前追至河套擒亭來而還大帥上其功授榆林參將弘治間火篩犯塞鍾岳大破之斬火篩陞左都督同知世襲遇覃恩鍾岳兼爲熊母請封誥天子以其生子克家遂奉俞旨比誥命至秦挈熊母出被以命服隨例謝恩悉如常人惟不能跪與言耳後太后聞其事爲幸其第觀之賜號爲熊太君自是人呼爲熊太太云外史氏曰熊太太余嘗得之友人以爲創聞故特敘而傳之或言此事已見子不語此篇敘事未知能出其幾

埋憂集

卷一

五

聞否否則刪之可耳八紘譯史又言猩猩國在大洋中明嘉靖時武陵商富玉泛海遇暴風舟溺玉及衆隨飄抵絕岸飢甚採桃李食之俄有披髮而人形者接踵至身生毛以木葉自蔽見人皆喜挾以歸岩洞中後一牝者與玉爲偶產一男其後乘間得歸既長大常賣茶于市人目爲猩猩八郎事亦可記故附及之

嘉興生

道光辛卯浙江鄉試頭場陶字拾柒號嘉興學生李某日接題紙至上燈後三藝已脫稿矣挑燈朗誦意興方酣無何冷風驟至燈暗似豆一少婦淡妝縞袂事簾而

人向生諦視曰吾尋汝已百年矣生不覺失聲大叫塵網饒我旣而揚塵舞蹈口中嘵嘵不可辨而吐詞嬌婉細語似是中州語音比曉監軍往稟號官號官至但見其以兩手作格鬬狀其指尖皆赤若塗朱旋復大噉曰爾其奈我何號官取其卷視之嗟惋不已遂喚青衣二人挾生出甫出頭門生直前向人叢奪取一眼鏡折而拋之拍手大笑曰好了好了衆詢知其病狂也姑弗與較而生則殊已了了向其同寓接考者相勞苦如故歸寓衆環集詢狀生曰始見女人殊昧平生繼遂不復省憶但見女教余舉佩刀白刺又教余解帶自縊皆爲余

埋憂集

卷一

六

祖奪去謂余曰此案殊未了汝記取明日卯初關聖行香過此汝卽出號求救或有濟也次日天旣曙忽聞空中細樂嘹亮呼殿雜然遙望果見香雲圍繞帝君御輿冉冉而來余卽出伏地哀祈帝君卽左顧命檢舊案一掌案吏如神廟所塑判官狀者于篋中取黃冊反覆良久疏奏曰此三世以前事也帝君索冊閱畢復命取善惡二簿閱之謂生曰此事彼自理直且沈寃可憫余亦無可究詰但事已隔世汝今生旣無罪惡每遇春秋祭祀必誠必敬卽此一念表之可以勸孝但全汝一命可也遂取硃筆索余手遍塗指尖囑曰汝歸號可以此磨

之使去矣然彼憤固未洩須記出場時至頭門外卽向人搶一眼鏡拆開拋去可免也囑畢命駕而去余始歸號見女顏色倉皇正在逐號尋覓瞥見余柳眉斜豎直前相撲余格以手女逡巡卻立切齒曰負心漢汝倚此神通奴遂捨汝乎恨恨而去余喜極雀躍走出至頭門則有青而猙獰被髮持械者數十人分佈兩行舉刃亂刺余急取眼鏡分擲之則霹靂一聲羣魔俱杳矣于是往市牲帛至照膽臺酬祀而歸自是亦不復再赴科場矣

潘生傳

埋憂集

卷十

七

湖郡潘生名羽虞號悔庵少孤貧弱冠入郡庠尙未締姻然勤學美丰容閨閣見者爭好之館于吳門劉氏書齋後故有小園一日春雨初晴生讀倦呼僮僮啟後扉步至園中水複山重洞宇幽邃數轉見東北一帶朱欄迴互欄外杏花正開彌望如雪下臨一池橋上有亭翼然生將往憩忽聞簷馬丁東望見樓閣參差湧現樹杪折而西至其處有海棠兩株當風亂颭其上雲窗霧閣傑構俯臨徘徊間樓中吟聲細細綿綿乃他生縱有浮萍遇正恐相逢不識君二語哀怨殆不忍聽生不覺失聲長歎無何風動簾開一人倚欄凝睇明艷無雙而

眉鎖遠山淚瑩粉腮正如帶雨梨花生乍見魂銷旣而恍然曰是非蘇家蘭姊乎何以來此女點首曰哦是矣遂下延生人問訊已備述飄零之狀蓋女本住郡城蘇家巷爲生從嫂之媚字竟蘭姊後隨夫游幕山左前年六病歿始攜柩歸自幼與生頗狎今別已六年矣生因問姊家尙有何人女曰有叔舅去年攜眷人京近亦聞已歿家中止有老姑長洲衛氏族姓又少故儼居于此言畢涕泗交頤生遂移坐近前爲之拭淚女艷然曰甫相見奈何無半語相憐而輕薄若是生起謝女始歡笑徐問阿姊無恙兄何時至此生縷述近狀且曰使君尙埋憂集

卷十

八

門半掩窗中金釵熒然惟見女子几上攤書癡坐遂入女瞥見驚喜起立生直前擁抱女正色拒曰薄命之人如風前孤燕飄泊無依昨自簪儀字知非从居廡下者況蒙眷注願締白頭但須俟老母終天然後可議若曰始亂之終棄之則逐水之桃花妾不忍爲此態也生聞言遂攜女至月中共矢鸞盟誓畢女促之起生長跪不起曰自蒙允約半日之別如閱小年若必俟老母天年恐文園先已渴死也女近曳之曰癡郎何情急乃爾相將就寢霽雨尤雲倍極狎褻雞雜甫唱即起女爲整衣曰此身已屬君矣他日勿以秋扇捐也生日世豈有薄倖

埋憂集

卷一

九

潘安仁哉鄭重而別自是往來常無虛夕然生常憂貧是年又下第女百計慰解至于拔釵搜篋曾無倦容其後將赴試又慮無以爲家女知之竭力搜索以資其行將發生往話別夜半女先起取生衣爲之裝綿生臥視之微吟曰蓄意多添線含情更著綿女目視生良久淒然泣下唐僖宗嘗命宮人製戰袍以賜將上一邊將得袍中有詩云蓄意多添線含情更著綿今生已過也願結後生緣云邊將仰以上之帝問宮中誰爲此詩者一宮女伏地請死帝笑曰吾爲汝了今生緣即與之生自悔失言急起攬女于懷極意慰解乃已明日遂發迨榜發獲雋是時女之姑已前歿矣聞捷音竊幸好事可諧引領以望其至久之間生已就婚郡中某

氏女未信明年春生以計偕過蘇州辭別館主而足音終杳自是始絕望後半年抑鬱成疾卒臨卒大呼此仇必報者再年纔二十三後生捷南宮選部郎逾年差人至湖接家眷回詢其僕乃知紅蘭久已委露歎息而已然自此恒忽忽不樂一夕醉臥方酣忽見女披髮握刀顏色慘變自中庭疾趨入舉刃當胸直刺生痛極大叫而寤家人俱驚起視之生以手捧心反側呻吟不止家人將往延醫生不許爲迷惡夢所由曰吾疾不可爲也令預備身後事翌日將卒口占一絕云只知好夢欲求真豈料翻成惡夢因到此回頭知己晚好留孽鏡贈同

埋憂集

卷一

十

人此事其戚某出京後爲余言之又言生未第時家赤貧每夜讀膏火不繼往往獨坐室中默誦諸經至午夜不輟偶值嚴寒夜將半聞窗外窸窣有聲是時月色微明潛起窺之見一人被髮虬髯面黝黑如演千金記所扮楚霸王者生屏息悄立伺其作何舉動其人旋於腰間出一物尖長如鑿插入窗格攪一小方洞生意其將探手入也先以手浸案旁水盆中須臾其人以手探入生急以兩手儘力捉住其人始則跳躍不止既而不復動頃之覺腕冷如冰試一釋手則砰然仆于堦下大驚放闕出視之脉已絕而死矣生無

如何天曉赴縣請驗知縣臨驗畢細詢始末笑謂生曰本欲以鬼嚇人而乃爲人嚇死是所謂出乎爾者反乎爾而汝本無心於死賊不過卽以其人之道還治其人之身非汝罪也命地保以棺瘞之而已

周奎

崇禎十七年李自成逼京師烈帝使內監徐成密諭后父周奎倡勦戚助餉奎堅拒無有成歎曰后父如此國事可知矣奎不得已僅輸萬金且乞皇后爲助比自成入奎獻太子以降掠其家得金五十二萬其後自成自山海關敗還 大清兵追至奎復降 大清自成載輜埋憂集

卷一

上

重出奔京師大亂奎家人乘勢擄其家財物殆盡已而請曰公貴戚也我輩素蒙養養一日無禮至此亦何顏復見公乎斬其頭而去

紀事本末賊破京師掠奎家得金五十二萬他珍寶復數十萬

義犬塚

吳江之簡村有農婦趙氏家在東村去簡村止三里許婦素孝于其母方初冬偶得黃雀數枚嘗之而美輒留其餘次日晨起盥櫛易裙釵攜雀往視其母母適臥病取所攜雀哺之母爲之加餐午飯後復呼與細談不覺迨暮婦以時方收穫遂告歸及村外天漸曛黑遙望林間微火射出趨至則數丐圍坐寺門外晚炊婦告以迷

路乞火一丐曰昏黃至此非與小和尚有密約耶又一

丐笑曰火卻容易然須以汝之水相易遂起將逼淫焉婦怒批其頰大叫殺人丐怒取土塊塞其口呼羣丐共褫其衣袴取腰間汗巾縊殺之界入一空墳解其巾覆以瓦礫各自竄去夜半婦忽甦張目四顧見斜月未落四野霜濃陰風砭骨寒戰不能遽起但呼救命適其鄰一屠者路經村口聞之尋聲而至將曳之出婦拒曰身無寸縷無論凍已僵亦何面目出見人乎屠者悟亟走告其夫取衣袴導至其處乃去時天已曉婦出哭告以故相隨還家村農赴訴於縣令卽飭嚴緝未獲居數日埋憂集

卷一

上

忽聞譁傳前屠爲人縛石沉河而死村農奔視果然先是屠每于侵曉往前村肆中屠羊嘗有一黑犬相隨是日店主早起相伺屠竟不至忽見犬狂奔入門叩其脊嗚嗚作哭聲叱之不去其人心動隨之出門行里許至寺後河畔乃止而犬已躍入水中俄而曳一尸出登岸就視則屠者也反接其手而繫以石駭絕奔告其子相將至河上則犬亦蹣跚尸旁而死矣子乃泣請其人同返往訴於邑捕得丐者誅之命瘞犬於塚旁立石表之曰義犬塚

戚自詒